

**ՆՆ ՆԱԽԱԳԱՆ ՍԵՐԺ ՍԱՐԳՍՅԱՆԻ ԽՈՍՔԸ՝ ԱՐՏԱՍԱՆՎԱԾ
Ն. Ս. Օ. Տ. Տ. ԳԱՐԵԳԻՆ Բ. ԱՄԵՆԱՅՆ ՆԱՅՈՑ ԿԱԹՈՂԻԿՈՍԻ
ԾՆՆԴՅԱՆ 60-ԱՄՅԱԿԻ ԵՒ ԳԱՆԱԿԱՆՈՒԹՅԱՆ 12-ՏԱՐԵԴԱՐՁԻ
ԱՌԻԹՈՎ ԱԼ. ՍՊԵՆԴԱՐՅԱՆԻ ԱՆՎԱՆ ՕՊԵՐԱՅԻ
ԵՒ ԲԱԼԵՏԻ ԹԱՏՐՈՆՈՒՄ**

(4 նոյեմբերի, 2011 թ.)

Վեհափա՛ն Տեր,

Սրբազա՛ն հայրեր,

Լեռնային Ղարաբաղի Հանրապետության պարո՛ն Նախագահ,

Տիկնա՛յք եւ պարոնա՛յք,

Այսպեղ գրնվելը եւ այս միջոցառմանը մասնակցելը մեծ պարիվ է. պարիվ, որը ես կիսում եմ Հայաստանյայց Առաքելական Սուրբ Եկեղեցու միլիոնավոր գավակների հեպ: Այդ հոգևոր ընդհանրության կենտրոնը գրնվում է Հայաստանում՝ Մայր Աթոռ Սուրբ Էջմիածնում, որից ճառագող լույսին եմ ուղղված աշխարհասփյուռ մեր քույրերի ու եղբայրների հայացքները:

Այսօր ես այսպեղ եմ գրնվում՝ որպես միլիոնավորներից մեկը, ով եկել է վերահասարակելու իր որդիական սերն ու ակնածանքը Վեհափառ Հայրապետին՝ Նորին Սուրբ Օծություն Տեր Տեր Գարեգին Երկրորդ Ամենայն Հայոց Կաթողիկոսին՝ նրա վաթսուամյակի հանդիսավոր տոնակատարության առթիվ:

Վեհափա՛ն Տեր,

Գերաշնորհ հոգևոր հայրեր,

Դուք եւ Ձեր սերնդի հոգևորականները հապուկ առաքելություն եւ երջանկություն ունեք: Դուք մեր եկեղեցու հոգևոր սպասավորի ծառայության ուղին ընտրեցիք այն փարիներին, երբ դա ամենեւին խրախուսված չէր: Ավելին, այդ ժամանակ հավաքքը հանիրավի նսեմացվում էր, իսկ հավաքավորները հերապնդվում էին իրենց դավանանքը պահպանելու համար:

Հոգևոր ծառայության այդ ուղին սկսվեց երջանկահիշատակ Վազգեն Առաջին Ամենայն Հայոց Կաթողիկոսի օրհնությամբ, ով մեր ժողովրդի՝ իր հոգևոր արմատներին հավաքարմության իսկական խորհրդանիշ էր: Նրա առաջնորդության փասնամյակների այդ մեղմ, սակայն հասարակամ դիմադրությունը ճանապարհ էր հարթում մեր ազատության եւ անկախության համար:

Վազգեն Առաջինն ու նրա սաները, որոնց շարքում էր նաեւ մեր հովվապետը,

թույլ չգրվեցին, որ կտրվի ժամանակների կապը: Նրանք կանխում էին կեղծ կուռքերով իրական արժեքները փոխարինելու փորձերը: Նրանք գալիս էին սպանձնելու Նայասպանյայց Առաքելական Սուրբ եկեղեցու վերածննդի հովիվների առաքելությունը:

Սիրելի՛ հայրենակիցներ,

Այսօր մեր երկրում եւ նրա սահմաններից դուրս ծավալվել է լրջագույն եկեղեցաշինական շարժում, որն առաջնորդում է Գարեգին Երկրորդ Ամենայն Տառնի Կաթողիկոսը: Մեր բնակավայրերում վեր են խոյանում նոր հոյակերպ քառարներ, նոր շունչ են սպանում խոնարհվածները՝ մարմնավորելով մեր սերն ու նվիրումը մեր Տեր Հիսուս Քրիստոսին: Մարդու հոգևոր ու բարոյական կապարելագործումը եւ դարձը դեպի մայր եկեղեցի Վեհափառ Նայրապետի անխոնջ գործունեության հիմնական նպատակն է:

Այս առումով ամենուին էլ պատահական չէ նրա համակ ուշադրությունը երիտասարդ սերնդի հետ ցարավող աշխատանքներին, ինչն այսօր իսկապես ընդգրկում եւ բազմաշերտ է՝ հայորդաց արներից մինչեւ Նայ Առաքելական Սուրբ Եկեղեցու երիտասարդական միություն: Վեհափառ Տերը, որպես իսկական քրիստոնյա, գուսպ եւ համեստ է իր խոսքերում: Մեր շուրջը փրկող ինքնագովասանքի աշխարհում նա խուսափում է իր գործունեությունն ի ցույց դնելուց եւ չի խրախուսում դա: Սակայն նրա հովվապետության արդյունքները երբեք չի կարելի համեստ գնահատել: Նրա խոնարհ ծառայության եւ վստահ ու հաստատված առաջնորդության արդյունքն ակնհայտ է: Աչք ունեցողը՝ կրեմնի, ականջ ունեցողը՝ կլսի: Իսկ մեր բոլորի պարտականությունն է՝ լինել նրա կողքին եւ աջակցել մեր Սուրբ եկեղեցուն:

Ակնհայտ է, որ նրա փքնաջան աշխատանքն ու նվիրյալ ջանքերն ապարդյուն չեն անցնում: Այսօր Նայասպանը հոգևոր վերելք է ապրում: Մարդիկ կրկին վերադարձել են իրենց ակունքներին, իրենց հայրերի հավատքին ու արժեքներին, որպեսզի հասկանան, թե ո՞վ են իրենք, որպեղի՞ց են եկել եւ ո՞ր են գնում:

Այս հարցերը երբեք ժամանակավրեպ չեն:

Այս հարցերի պատասխանները մեր նախնիներին են բերել Թաղետոս եւ Բարդուղիմեոս առաքյալները՝ Նայասպան աշխարհին մատուցելով Աստվածաշնչի բարոգը եւ ճշմարիտ խոսքը:

Այս հարցերի պատասխաններն էլ փվել Սուրբ Գրիգոր Լուսավորիչը, ում կանթեղն այսօր էլ փարոս է բոլորիս համար:

Այս հարցերի պատասխանները յուրաքանչյուր հայի համար հասու են դարձել Սուրբ Մեսրոպի եւ Սուրբ Սահակի օգնությամբ, ջանքերով, փքնանքով ովքեր նոր հիմք դրեցին հայոց դպրության համար:



ՀՀ Նախագահ Սերժ Սարգսյանի ելույթը



Ելույթ է ունենում ԼՂՀ Նախագահ Բակո Սահակյանը

Այս հարցերի պատասխաններն այսօր էլ պալիս են Սուրբ Վարդան Մամիկոնյանն ու վարդանանց քաջերը, որոնց ժառանգած զենը հանգիստ չի պալիս մեր հանդեպ արելություն ու թշնամանք սերմանողներին:

Քրիստոնեական հավատքը, սերը և բարոյականությունը, մեր դավանանքը աչքի լույսի պես պահելու ու պաշտպանելու պատասխանատվությունը օրհնություն է բոլորիս համար: Դա յուրաքանչյուրին պատասխանատվությունն է միմյանց և ամբողջ մարդկության հանդեպ:

Վեհափառ Տեր,

Կրկին շնորհավորում եմ Ձեզ հոբելյանի առթիվ: Օրերս լրացավ նաև Ձեր հովվապետության փաստերկուամյակը, ինչը նշանավորվում է մեր միջավայրում մեր իսկ արժեքների ամրապնդմամբ:

Խորապես համոզված եմ, որ բարոյականությունը, հավատքը և եկեղեցին փոխկապակցված են և փոխալայմանավորված: Մեր ժողովրդի միլիոնավոր զավակների հետ միասին առ Աստված եմ ուղղում իմ աղոթքը և խնդրում ուժ, կորով ու շնորհ՝ Ձեր վեհ առաքելությունն իրականացնելու գործում:

Թող Աստված պահի ու պահպանի Հայաստանյայց Առաքելական Սուրբ եկեղեցին, Հայաստան աշխարհը և Մայր Աթոռ Սուրբ Էջմիածինն իր նվիրյալ գահակալով: